

# Nonnopok-Ewe Urenapen System fan iten Taropwen Weweochuti Pekin Health 1115 Napanapen Taropwen Waiver

## Mannapen Pworous ren Tingor

Oregon epwe wanong an tingorun taropwen waiver ngeni ewe pekin onnuk seni CMS ren an epwe foruta ew nonnopokun-urenapen system ren pekin health pwe epwe emurinoi metekewe ekkesiwin mei fis non ewe system, awesano metekewe ururun repwe pachenong non me pekin tumwun, me awora sokkun angangen aninis fan iten met osupwang ren pekin health me pwan met mei ururoch ngeni ekkewe angangen ekkesiwinin omwokut mei fis.


## Osukosuk me Neoton Ewe Osukosuk

Ew mettoch ekkan kon fis pwe ina met epwe aweiresi me efeiengawa usun nonomwun emon menuun ewe OHP iwe nupwen epwe tonong non ekkei kinikinin fansoun ekkesiwin, ren an esapw chiwen tufich ngeni an epwe pachenong pwokiten an a nomw non imwen kanopwus, ika a tou seni ew ekkewe institute nge ese wosen wor pwukutan imwan, ika ese pwosen wor imwan ika mei weires ngeni an epwe kunokun imwan, ika fen pwan nonomwun non ei fansoun ese chiwen murinno ngeni, akkaewin ren pekin behavioral health (awewe ren, an epwe tonong/tou seni ekkewe nenien tumwun ika fen a wor emon noun monukon) ika pwan ew sokkun nonomwun mei fis pwe ina ekkesiwinin nonomwun non ei fansoun. Murinon, ekkewe member a napengeni ar repwe kuta fitu kinikinin system pusin won ar pwokiten ei pekin health care an ei state ese fori pwe epwe taitap ngeni me angang fengen me ekkoch pwan system ren nonomwun aramas me pwan ekkochchon awora aninis non ew nikinikin pwe repwe chufengen ne awora aninis ngeni aramas ar repwe mecheres ngenir ne tour ngeni ekkei sokkun system ika mwokutun angangen aninis. Ekkei sokkun mettoch mei fis pwe ina met epwe eppet ekkewe menuun ekkewe mwichen tribal, ekkewe community an ekkewe mei sakkono onuwen unucher, me pwan ekkewe aramas mei wor tufichingawen an inisir tongeni pwokiten ekkewe system ika sokkun angangen aninis mei osupwangasini sokkun neni me nongonongun aninis epwe tongeni kawor ngenir fiti ngeni ururun nonomwun ar eoreni me foosun pusin fonuer minne epwe ururoch ngenir ren pekin tumwun me sokkun aninis iwe a napengeni ese tour ngeni aramas non neni ian re nonomw ian.

Usun ew awewe ren ei, inamwo ika pwe Oregon mei fokkun fetaneoch non an epwe pachenong pwukuwen ngoroun aramas mei mwuuk ngeni ewe OHP fan nurun kanapenon an state we Medicaid, ekkewe ir mei keran chok tou seni nenien kanopwus mei weires ngenir ar repwe tongeni kuna pungun aninis ngenir ren ar repwe tongeni pachenong non. Ei mei fis pwe iei och mettoch mei namwot repwe anomwu non ekiek pwokiten mei napeno me non ekkei mwichen aramas renchon urir ekkewe sokkun semwen mei watte me pwan efeiengaw ngeni aramas, me pwanchon semwenin osukosuken non mokurer me ar osukosuk ren uwesiwes won ekkewe mettoch mei

angawano aramas. Nipwakingawen an ese wor link ngeni ekkewe health insurance me ekkewe pekin aninisin health care fan iten ekkewe chon non imwen kanopwus ra mwusou mei fis pwan ina pwan ew mettoch mei awateno ewe rate ren chon mei mwuseu nge ra pwan tipis sefan ren wattenon niwinir ren ar repwe safei iwe ina met ekkewe pekin reform ren health ir mei resin achocho ne fiu ngeni. Iwe ren ir me ruw ekkewe ierin kukkun me ekkewe ierin mei mwuk, ekkewe ir mei sakono onuwen unucher ekon chommong chon nomw non nenien kanopwus non Oregon pwokiten pusin nonomwur me mwan me pwan angangen asokafeseni aramas fan onuwen unucher ika ian re feito me ian. Non Oregon, mwan ika aramas mei sakono onuwen unucher ir ekon napengeni ar repwe nomw non imwen kanopwus nap seni ekkoch seni pwan ekkoch mwiichen aramas. Non ekkewe nenien kanopwus an ekkewe ierin serafo ukukun chon ekkewe mwichen African American epwe fan 6 chommongur seni ekkewe serafo mei pwechepwech.


### Ukukun serafo ir mei nomw non imwen kanopwus ren 100,000 ren ir seni meni mwichen aramas/ian re feito seni ian: Oregon January 2018



Chechemeni: Meininis pwan ekkoch mwiichen aramas mei affatetiw ese pwan pachenong ekkewe re feito seni ekkewe Hispanic. Ukukun ren chon pwan ekkoch mwiich ese kawor. Nongonongen pworous: Ewe Oregon Youth Authority

Ewe ukukun sakofesen mei wor ren ir seni meni mwechen aramas/ian re feito seni ian mei chok nonofengen me ekkewe imwen kanopwus non ekkewe kukkun sopw non Oregon me pwan ukukun chon nomw non imwen kanopwus.

## Ukukun chon nomw non imwen ares me kanopwus ren ir seni meni mwichen aramas/ian re feito seni/ian re feito me ian, Oregon 2018



Chechemeni: Meininis pwan ekkoch mwichen aramas mei affatetiwe ese pwan pachenong ekkewe re feito seni ekkewe Hispanic. Nongongen pwororus: Bureau ren Justice Statistics (kanopwus) me Putain Pekin Correction non Oregon (fotek)

Aramas mei menei aninis seni nukun ei system ren pekin health care ren an epwe fetaeoch non ekkei fansoun omwokutun ekkesiwin. Non ekkewe ukukun engon ier sa tou seni mei fatefateoch pwe anisinis pekin health chok ese tongeni epwe anisi nonomwun pekin health nge ese wor enukunukun omwokutun pwe epwe anisi osupwangen nonomwun aramas ren pekin imw, mongo, me pwan ekkoch sokkun osupwang an aramas mei meni epwe wor. Ika mwo pwe mei fokkun kawor eoch me fisioch angangen anisinis pekin health, chon kaeo ngeni ekkei sokkun omwokut ir mei pwari pwe nonomwun me tufichin emon aramas, an mwokutukut, me pwan nonomwun usun nenian we ian e nonomw ian ikena met mei esenipa ngeni ren ukukun 80 pesenin met mei fis ren pekin health. An epwe tongeni pwonueta pwe ewe pekin healthcare mei aniniseoch ren pekin semwen me pwan murinonon pekin heath, ewe system mei murino epwe anisi ewe aramas ren unusan.

Ren ekkewe ir mei weires ren osupwangen imwer, wewen ei pwe epwe pwan wor angangen apachanong pekin imw, me anisinis tumwunun me sokkun anisinis nongonong epwe tongeni anisi me tumwunungeni an epwe nonomwoch emon aramas non imwan me pwan nukunukeochuno ir me ar kewe famini/chon non imwer ika pwe epwe tufich. Ei epwe pachenong ouwenamen aninis epwe wor epwe fiti urureochun nonomwun eorenien me foosun fonuer ren ekkewe sokkun aninis ngeni ach kewe community ren tribal, community ren ekkewe ir mei sakono onuwen unucher, 1 me ekkewe community ren ekkewe ir mei wor tufichingawen an inisir tongeni, ekkewe ra fen piin me

tori iei mei wor weiresin ngawen touren aninis ngenir ren pekin healthcare me watte ar chooni non ekkewe nenien homeless. Ei mei pwan pachenong an epwe wosesen wor ar repwe nenengeni mei pwe epwe wor aninis ren pekin tumwun angang fengen ne sopweno an epwe wor coverage ren unusan ewe fansoun ekkesiwin ren napengeni ekkewe ir mei pachenong ren pekin safei mei nonomwur ren ewe pekin behavioral health, akkaewin ren ekkewe chon awora aninis ren met nonomwun ar eoreni.

## Onotan, Met Sipwe Anganga me Sokkun Angangan:

**Onotan:** Oregon mei forata ew nonnopokun-system ren pekin health pwe epwe fori pwe aramas repwe tongeni wor ar repwe tour ngeni sokkun angangen aninis me aninis ir mei menei epwe kawor ngenir (pekin safei ika pwan met me nukun) ren an epwe tongeni pwonueta aninisin pekin health me nonomwoechun emon aramas akkaewin non ekkei fansoun ekkesiwin.

Ew “**nonnpok-urenafen system ren pekin health**” ina met epwe fis pwe epwe anisi nonomwuchun tumwunun emon aramas<sup>1</sup> ren ach sipwe esinaechu pwe ewe aramas ese tongeni epwe pusin tumwunuw nonomwun pusin an health me pwan churi sokkun nikinikin aninis nupwen ewe system ese mei ouwenam won sokkun aninis ngeni ewe aramas.

Angang fan iten an pwe fisieoch ewe nonnopokun-system fan iten pekin health mei fis pwe ina met ach iei state mei ani weiresin an epwe achocho ngeni ne fori pwe kaworen aninisin pekin health mei forata nonomwochun aramas ren ar repwe mecheres ngeni ne kuna aninisir ren pekin health me nonomwochun inisir nge esapw osukosuk pwokiten ir seni meni mwichen aramas, ian re feito seni ian, ar foosun fonuer, tufichingawen an inisir tongeni, ika ir mwan ika fefin, nonomwun inisir ren ir met, ierir, nonnomwun ar tufich, me pwan met sokkun mei pwano ren nonomwun nenier kewe ika pusin ir, me pwan ekkoch sokkun nonomwun aramas minne epwe tongeni fis pwe ina met epwe osukosuka unuseochun aninis epwe tour ngenir.

Usun mei affatetiw non ewe awewen ewe foos nonopokun pekin health mei ketiw meren Oregon<sup>1</sup>, an epwe pwonueta ei mei menei epwe wor angang fengen an ekkewe kinikinin neni me ekkewe kinikinin angang non ei state, pachenong ekkewe mwuun tribal pwe repwe tongeni pworous won:

- Ewe nonopokun katoun ika katousefanin nongonongun aninis me nemenem; me
- Esinaeochu, nengenisefani me opwungueochu usun nonomwun me mwan ren met angang ese pwung.

## Met Sipwe Anganga

- Anapano anangng fengen ren pekin tuwun me sokkun aninis esapw pwan fiti angangen clinic ren ekkewe member ir mei mwokutuno me non ei system an epwe eochuno, pachenong an epwe tuficheoch ren chon mei ururoch ngeni me ion mei nomw fan ewe coverage.
- Awesano met sokkun mettoch mei pinei an epwe tourouch aninis, ren pekin eoreni, foosun pwan ekkoch fonu mei ururoch ngeni iokewe ir member non OHP ren sokkun aninisin pekin health.
- Akoumwa ekkewe mwiichen aramas ir mei mefi pwe ese nonopok aninis ngenir pwe an Oregon we prokramen Medicaid epwe tongeni nonopok sokkun ar we system ren pekin health.

## Angangan me Nikinikin Omwokutun pwe epwe Pwonueta met Sipwe Anganga

Ekkei tetenin met epwe fis mei tetenitiw fan ina met nikinikin angangan pwe sipwe tongeni fori metewe sipwe anganga. Kuta sokkun met epwe eochu ngeni an epwe kanapeno coverage ren pekin Medicaid, pachenong iokewe member non ewe CCO, me pwan murinon iwe anisingenir metewe sokkun aninis mei menei epwe kawor ngenir pwe epwe ataieno me ekisano ewe osukosuken angangen behavioral health, ekkewe mei osupwangen imwer, ekkewe mei nomw non kanopwus, me ekkewe mei kanopwus sefan. Pekin mwoni ina met epwe tongeni pwan osukosuka pekin Medicaid, nge ren ekkewe chon pekin opochokuna onnuk non neniach kewe me ewe system ren pekin imwen kanopwus, ekkewe imwen ares non ekkewe sopw, state, me niwinin ekkewe imwen kanopwus an federal, pwan ekkoch.

### **Step 1. Kuta metewe angangen omwokutun ekkesiwin mei tongeni an epwe eochuno non ekis mwochomwochen fansoun, opochokuna tumwunun angang fengen me chon nemenei ekkewe case.**

Meren public, chiechiach me ekkewe stakeholder ikena met ir mei afatatiw pwe ekkei fansoun ekkesiwinin omwokut ikena ekkena fansoun mei kon osukosuka ekkewe member me ikena met rekon kan awateno ewe niwin me non ewe system. Ekkewe omwokutun ekkesiwin ikena met ekkon kon aweires pwokiten ina met epwe tongeni efeiengaw ngeni emon member ika pwe ese chiwen pachenong non ika ewe aninis ngeni mei ngaweno nge ii mei nomw won watten semwen ika sokkun efeiengawen pekin behavioral health ika nonomwun pusin inisin non ewe fansoun. An epwe chok fokkun checheno ngeni ewe angangen ekkesiwinin omwokut mei tongeni epwe anisi me awora aninis ngeni ekkewe member ion ese mwo wor sokkun semwen ren me ion mei tiweu nukun ewe angang. OHA epwe angang fengen me ekkewe partner an epwe sopweno ne ekkesiwinin ewe list ren sokkun omwokutun ekkesiwin mei fis ngeni ekkewe member

Met mei fis ewe epwe tongeni wor Angang Fengen ren Aninisin Ekkesiwinin Omwokut:

- Ekkesiwinin omwokut ren tonong/tou seni ewe system ren pekin imwen kanopwus, pachenong pwan an serafo kewe nenien kanopwus
- Ekkesiwinin omwokut seni nenien tumwunun mei watte ar semwen non pioing nge ir mei mefi osukosuken osupwangen nenier ika ese wor imwer
- Ekkesiwinin omwokut ren tonong/tou seni ekkewe nenien tumwunun ir ekkewe me kan sakongaw non mokurer, pachenong ekkewe serafo, fiti ewe angangen aninisin wrap around me pekin health ren met ar osupwang ren nonomwur an epwe tongeni awora ngenir ar resapw tufichin nonomweoch
- Ekkesiwinin omwokut ren tonong/tou seni ekkewe nenien tumwun, pachenong ir ekkewe ra ierin me mwuuk me non ekkewe nenien tumwunun
- Ekkesiwinin omwokut seni ewe fansoun murin an ewe inenap nounou (ewe semirit me famini)
- Tumwunuw me eppeti ew watten osukosuken non mokuren emon ika chikar sefan seni ew watten semwenin osukosuken non tupwuan

**Step 2. Awewei ewe Angang Fengen ren Aninisin Ekkesiwinin Omwokut ewe aninis me wor ika sokkun aninis epwe wor ngeni ew me ew ekkewe sokkun ekkesiwinin omwokut.**

Ewe taropwen waiver ren nemenem mei tongeni mwutata ew minafon pekin non ewe system an Medicaid ewe mei fori an epwe ataeino angangen pekin health ese nonnopok nge mei anonga an mokutukutn "me nukun ewe aninis" (ILOS) mei fori ewe pwan ew sokkun me pwan ewe aninisin non ekkewe pekin an community ekkewe ir mei nengeni usun nonomwun an member osupwang ren pekin health me nonomwun inisir. Ewe angangen ILOS epwe tongeni anisi ne anapano monien aninis ngeni ekkewe community me awesano ekkewe sokkun mettoch epwe eppeti angangen niiwin ewe mei eimwufeseni ekkewe partner me ekkewe CBO, ren an epwe pesei ngenir angangen aninis mei ururoch ngeni met osupwangen ekkewe member.

OHA epwe angang fengen me ekkewe CMS, ar kewe partner me ekkewe stakeholder pwe epwe kuta met sokkun aninis ika angangen aninis epwe tongeni pachenong non ewe Angang Fengen ren Aninisin Ekkesiwinin omwokut ren ew me ew ekkewe omwokut mei ekkesiwin, pachenong kuta mettoch mei fis, me tufichieochur me urureochur ngeni ekkewe sokkun anapanapen aninisin pekin moni. Ekkei mettoch mei kochufengen me met sokkun mei tichikin aninis ren pekin pioing me esapw pekin pioing iwe ina epwe pachenong sokkun aninis ren:

- Sokkun osupwang ren pekin health (awewe, wattenon aninisin pekin warparound me pwan aninisin pekin imw pwe epwe pwonueta ngeni ekkewe member ar repwe tongeni tumwunuw me nomw non imwer kewe nge ir mei nenengeni metewe wosen ar osupwang ren aninisin pekin health.)
- Ewe aninis ren angang fengen ren pekin tumwun (awewe, anisi sokkun aninis epwe katou me non ewe system, sokkun aninis epwe fis me mwen angangen kuta anen an ewe mei semwen epwe chikar/aninis mei fis me mwen epwe pachenong non ewe angang, me mwen aninisin pekin safei)

- Aninis ren kuta aninis me non ewe system (awewe, kutton pekin imw, kutton pekin tumwunun semirit)
- Tamenon ewe coverage (awewe 30 ranin coverage ren OHP me mwen epwe tou seni ewe Putain Pekin Opwungu Aramas non Oregon an state ika federal)
- Sokkun tichikin aninisin pekin safei (awewe, pekin therapy ngeni ewe semirit me inenap ren omwokutun ngeni ika seni ekkewe nenien tumwun)
- Tichikin aninis ngeni ekkewe chon awora aninis (awewe, aninis ngeni ekkewe peer, chon angangen pekin pioing non community)

**Step 3. Eochueno ewe system ren behavioral health pwe epwe tongeni anisi ekkewe member, akkaewin non fansoun ekkesiwinin omwokut, me pwan non unusen ar nonomw.**

Ewe Oregon Health Plan mei awora aninis ren aninisin pekin behavioral health; iwe nge, Oregon mei watte an mefi osukosuk ren pekin behavioral health, touren pekin angang. Chon angang me chon tufichin angang won ar repwe anapano ekkei sokkun aninisin pekin moni ren state pwe epwe opochokuna angang won ekkena sokkun mettoch mei fis. Ekkena pekin kuta anen moni an epwe wor epwe tongeni anisi touren aninis pwe epwe fori an epwe mecheres ngenir me pwan kaworan ngenir fiti pekin ar eoreni me foosun fonuer minne epwe ururoch ngeni ekkewe ir member non. Iwe nge, an epwe unuseoch ne tour ngenir ewe koukun aninis ren met Oregon mei tipeni, mei wor met epwe tongeni ekkesiwin ngeni ewe system an Medicaid ren ewe taropwen waiver ren pochokunen nemenem.

Ren ekkewe semirit, ekkewe ekkesiwin mei anonga won anepwe eochueno touren aninisin tumwunun pekin behavioral health non unusen ei state ren an epwe awateno ika kanapeno ewe coverage, fori pwe touren aninis ren ewe koukun tumwun, me pwan eppet an epwe chommong-system epwe pachenong ren ar repwe uwau metewe mei angawano me eochueno ewe touren aninisin tumwun.

Ren ekkewe ra ierin mei mwuk ei epwe tongeni pwan pachenong an epwe eochueno aninis ngeni ekkewe ir mei nomw non weires, ekkewe ir mei kan ekiekin pusin angeiano manawer ren ekkewe ir mei ierin mei mwuuk nge ran kan nomw non sokkun behavioral health nge ir mei nomw non ei system, nge ir mei napengeni ar nomw non ei ekkesiwinin omwokut ngenir me non ekkewe neni ir mei nonomw non.

Ei mei pachenong sokkun aninis epwe tongeni anisi ne eochueno ewe system ren pekin behavioral health me pwan awatnoi aninis seni aramas ika chon angangen ewe neni me non ewe community. Ei epwe tongeni pwan anapano sokkun aninis epwe tongeni fis ren an epwe pachenong nonomwun eorenien ewe mwiichen aramas minne mei kawor ngenir ewe pekin aninis.

**Step 4. Fori pwe ekkewe chon awora aninis me ekkewe partner non ewe angang non ekkewe neni esapw nenien pekin safei mei wor ar neni, me sokkun aninisin osukun epwe tongeni kawor ngeni ekkewe ir ekkewe ir mei fiti ren tumwunun ekkewe partner fan iten ekkewe member.**

Ren an epwe tongeni unuseoch kaworen aninis ngeni ewe aramas, angangen angang fengen me echiechi fengen me ekkewe chon wisen awora aninis me ekkewe partner non ekkewe neni esapw pekin pioing ren an epwe wor kutton aninisin monien ekkewe neni mei eriri fengen me ewe pekin Medicaid fiti pwan aninisin pekin nonomwun aramas me pwan koukun aninis esapw ren pekin safei. Ei mei fokkun ochufengeni ekkewe sokkun aninis mei kawor me ren ewe "me nukun ewe aninis" minafon anapanapen aninis, me apochokunano met repwe feioch seni fan iten ekkewe sokkun aninisin nonomwun aramas me aninisin member non ewe ICC ren pekin behavioral health.

Step 5: Eochueno ewe angangen screening pwe epwe nengeni fichi ika pwe ekkewe aramas ion ir mei nomw non sakopaten ewe system ir mei affat ren ei angangen eochueno aninis me mei pwan tour ngenir ewe aninis mei menei epwe kawor ngenir.

Ewe CCO a fokkun wattenno me iei a pwan fokkun murinno ar angangen tumwunun ekkewe case mei tichik angangen/tumwunun tichikin angangen aninis fengen (ICC) ren ekkewe chon wisen angang fan iten ekkewe an ekkewe member non OHP osupwang ekkewe ren pekin nonomwun inisir ren ar health, pekin behavioral health me pwan aeangawan ekkewe mettoch mei efeiengawa inisir/pekin assessment/pekin echikara, ar osupwang ren pekin aisa me ewe NEMT ren sein uwou aramas ren aninisin Medicaid me sokkun onnuk ren Anninisin Pekin Health ren ekkewe aninis ese tongeni an epwe pwan kamo sefan ngenir mei chok nonofengen me met angangen pekin health. Iwe nge, emon me emon ion mei tongeni epwe watte ngenir sokkun aninis ren ekkei meinisin aninis mei katou ngenir ir mei tongeni repwe "nomw nukun" met aninis meren ewe CCO. Meinisin aninis mei kawor seni CCO ir mei fiti urureochun meren OHP, an emon epwe pachenong non me pwan niwinin ewe dokter me met wisen ewe CCO me non ewe kinikinin neni re nonomw ian.

Iwe an epwe tongeni pwonueta angang fengenin tumwun (emon chon mi nomw non ewe CCO), mei auchea pwe epwe kanapeno angangan ren ewe angangen screenini ren ewe angang fengenin tumwun me ewe ICC.

## **Onnukun me Anapanapen ewe Angang:**

Ei taropwen weweiti mei aweweitiw ifan usun ewe taropwen waiver ren pochokunen nemenem an epwe tongeni mwumuta ew minafon angang non ewe system an Medicaid pwe epwe fori me ataieno ekkewe sokkun angangen pekin health ese nonnopok ngeni meinisin nge epwe watte an nenengeni me nukun ewe aninis me kawor pwan ekkoch pwan/aninis seni community base pwe epwe tonge fori ekkewe ekkesiwinin omwokut ren sokkun pekin tumwun me non ekkewe neni, aweve ren non imwen ares, kanopwus me ekkewe IMD, me pwan eochueno touren aninisin pekin health me aninisin pekin SDOH. An epwe tongeni fis ei, Oregon epwe tongeni wanong tingorun taropwen waiver ren ekkewe met mei urureoch ren pekin nonomwun eorenien ekewe aramas fiti met mei ururuch ren pekin clinic ren an epwe tongeni pwonueta ewe aninis me kamotiwani. Ekkei repwe tongeni pwan aninisita ren ekkewe sokkun nonomwun aramas ren ekkewe ese wor imwer, me kanapenon ar pachenong non sakopaten masowen ewe system ika koukun aninisin tumwun mei wor, ewe mei tongeni fori an epwe wor angang fengenin tumwunuw ekkewe ir mei menei watten aninis me pwan fori an epwe wor ekkewe organisation me non ekkewe community, nupwen



epwe watten an epwe wor kaworen nonopokun aninis nge esapw ika kapachetan ekkewe organization mei wor ren pekin aninisin safei.

## **Anapanapen tungorun ewe taropwen waiver**

### **Epwe wor ekkesiwin ngeni sokkun met ururun epwe fis ren nonomwun eorenien aramas me ren pekin aninisin safei ren pwan ekkoch aninis me kamotiw fan iten ewe Angang Fengen ren Aninisin Ekkesiwinin Omwokut**

Oregon mei wanong tingorun waiver ren ekkewe sokkun nonomwun eorenien aramas mei fiti ewe pekin aninisin pekin safei ren urureochun an epwe fis ewe aninis me kamotiw. Ei epwe tongeni mwut ngeni Oregon an epwe anisi ekkewe member ion mei nomw non ei angangen ekkesiwinin omwokut ren ar repwe tongeni tour ngeni ewe Angang Fengen ren Aninisin Ekkesiwinin Omwokut ir mei tetenitiw me asan, ren kaworen tichikin sokkun aninis epwe kawor "me nukun ewe aninisin pekin safei" ren pekin health me pwan ekkoch mei menei ren nonomwun aramas me nuuno seni ewe koukun, sokkun aninis mei tongeni epwe kamou sefan niwinin.

*Met wewen ei ngeni ekkewe member non OHP?*

*Ekkewe member non OHP ion ra fen piin kuna sokkun mettoch mei fis ika ekkesiwinin omwokut me tonong me tou non sakopaten system repwe tongeni kuna ei aninis me ei angang fengenin aninis non ena fansoun mei fis ewe ekkesiwinin omwokut. Ekkena aninis mei tongeni epwe awewetiw me mwan me pwan pachenong ir me ruw kanapenon aninisin pekin safei, usun ren toureochun sokkun aninisin angangen pekin health, me pwan ren mettoch mei tongeni epwe anisi nonomwun pochokunen ewe aramas iwe nge rese mwo nomw non tetenin pwe tumwunun pekin safei (awewe ren, awesano met mei pinei an epwe tongeni kawor aninis ren kутten me tumwunun pekin imw).*

### **Sopweno me pwan fori pwe chon pachenong non ewe Medicaid ren chon non imwen kanopwus, me pwan ekkewe ir mei nomw non ekkewe nenien tumwun, me pwan angangen assessment ren ICC**

Ei anapanapen angang epwe anisi ir me ruw ekkewe mwichen aramas ion mei kuna pwe ina met ir mei pinei me ina met mei aweireisir.

#### **Ekkewe chon non imwen kanopwus:**

Mwut ngeni ekkewe taropwen applicatin noun OHP epwe unuseochuno tori an epwe 30 ran me mwen ewe ranin an ewe chon nomw non ewe DOC epwe tou me pwan muttir chok pachenong non ewe CCO me mwen an epwe pwoputa tufichiechun an epwe pachenong non.

Ew unuseochun kokkot ren touren me katouren ewe angang a fen fis nefinen ewe DOC me ewe chon angangen pekin pioing me ewe chon pekin probation me pwan ekkewe chon pekin pworo. Iwe nge, ese mwo wor pwonuetan ewe angang fengen ren tumwunun ekkewe ir mei menei watten aninis ren ewe chon kanopwus epwe tou seni DOC fiti fengen me ewe Organization ren Angang

Fengenin Pekin Tumwun non ewe neni ian ewe chon kanopwus epwe niwin ngeni ian pwokiten ei system iei mei pusin amangano ei angang meren an Oregon we OHP Eligibility me ewe anen kamotiwun ewe dokter meren CCO.

Ei anapanapen angang mei pwan pachenong ew sokkun anappanap an epwe tongeni fiti ngeni ewe ekkesiwinin omwokut me pwan anapano ewe coverage fan iten emon me emon ion ir mei etipisir ren ar fofor mi ngaw me pwan nomw non ekkewe imwen ares/kanopwus non ekkewe sopw me mwen repwe etipisir ika ion a unuseno chappen an iwe tipis mei nomw non ekkewe imwen ares ika kanopwus non ekkewe sopw me ra mwuseo ngeni ar repwene niwiniti ar community.

Pwan sopwosopwun, ei epwe tongeni pwan fis meren ekkewe simirit, me pwan tongeni fis me/ika sopweno an OHP/CCO iwe coverage fan iten ekkewe serafo ir mei pachenong non ewe system fan iten ekkewe ir ierin chok kukkun.

### **Ekkewe Aramas Mei nomw non Nenien Tumwun:**

Ei angang epwe fan iten an epwe sopweno ne anisi ekkewe aramas ir mei nomw non ewe Oregon State Hospital (OSH) ren ekis kinikinin ewe fansoun ir mei nomw (ekkewe ewin 30 ranin ar tonong non ewe pioing me/ika ewe fansoun ewe aramas esapw chiwen nomw fan tumwunuwen ewe OHS), ewe CCO mei tongeni epwene wisen mesemes won ewe angang me pwan wisen tumwunuw ewe angangen ekkesiwinin omwokut. Pwan sopwosopwun, ei mei tongeni epwe anisi ngeni ekkoch sokkun anen moni mei osukosuka mokutun ren ewe OSH me non an OHA budget.

Mei pwan watte ukukun aramas mei sakono onuwun unucher ir mei tonong ngeni ewe OSH. Ekkewe CCO repwe fokkun achocho ngeni ne anisi ngeni ekkewe aramas ir mei menei watten aninisin tumwun ekkewe sokkun aninis mei kawor me non ekkewe community me pwan fori pwe esapw napeno ngeni ar repwe ne menei aninis seni ewe OSH. Ei epwe murinno ngeni ekkewe CCO iwe pwan namwotan ngeni an esapw wor ar repwe kutta aninisir seni ewe OSH.

*Met wewen ei ngeni ekkewe member non OHP?*

*Ren ekkewe ir member ir repwe nomw non ewe ekkesiwinin omwokut ne tonong me tou non ekkewe nenien kanopwus ika ekkoch ekkewe nenien tumwunun mei apwangapwang, wewen ei pwe ewe coverage seni OHP epwe tongeni sopweno ika nakatameno, non ekkoch fansoun epwe fis, pwe epwe anisi touren angang fengenin aninis non ena kinikinin fansoun ewe member ii mei nomw non imwen kanopwus ika mei nomw non nenien tumwun ren an epwe anisi ekkesiwininin sefan ngeni ewe coverage an OHP.*

### **Tamenon Tufichin Pachenong non OHP ngeni ekkewe semirit non ewe kinikinin fansoun ir mei kawor aninis ngenir seni ewe pekin behavioral health**

Ren semirit mei nomw non nenien osukunen tumwunuw me eppet ew watten osukosuken non mokuran ika chikar sefan seni ew watten semwenin osukosuken non tupwuan me ekkewe nenien tumwunun semirit ese wor iner me semer, me nenien ar repwe kao tumwunun pusin inisir/tumwunun nonomwun inisir me ar repwe chikar sefan. Ika pwe mei pwano napanapen ewe arams pwe ii mei wor tufichingawen an inisin tongeni me nepwoputan, ekkewe aninis ngeni mei

aucha me non sukun, community me an famini epwe fokkun kawor ngeni. Pwan sopwosopwun, ekkewe famini mei angei ar tufich seni ewe angangen assessment me echikara meren ekkewe partner me pwan ekkewe sousinenap non metewe an nour we semirit osupwang.

Ren ei wewe, ei angangen tingor non an Oregon we 1115 CMS Taropwen Waiver mei anonga won ewe tingor pwe epwe kanapeno ewe Tufichin Pachenong non OHP/Pachenong non CCO ngeni meinsin semirit non ewe fansoun ir mei kuta anen echikara met kewe ar osupwang ren pekin behavioral health. Tufichin an emon semirit epwe pachenong esapw anongonong won ukukun an inan ika seman moni tonong ika nonnomwun nour insurance nge epwe anongonong won ekkewe mettoch minne epwe mwutata ar repwe nomw non ewe neni non ukukun tamen fansoun ren pekin behavioral health me/ika met ir mei meni aninisin me/ika ewe serafo mei a tori ierin an a nomw non kinikinin mei mwuk (ika pwe a wateno ierin me non fansoun an nomw non ewe system).

*Met wewen ei ngeni ekkewe member non OHP?*

*An emon epwe tufichin pachenong non ewe OHP me non ewe CCO epwe fat pwe emon me emon ekkewe serafo ir mei affat usun nonomwur ren pekin behavioral health mei muttir an epwe tour ngenir sokkun angangen assessment me touren urureochun aninis ngenir me ewe Koukun Aninis (LOC) mei affat fan asengesin met ir mei osupwangasini, ika mwo pwe an ar famini moni tonong mei tongeni efisata pwe resapw tufichin pachenong ren OHP.*

### **Kanapenon an emon epwe pachenong non OHP seni an upwutiw tori an epwe 26 ierin an epwe anisi ewe Koukun Aninis seni ewe pekin behavioral health fan iten ekkewe semirit**

Oregon mei (ika pwan ekkewe ekkoch state) churi saokkun mettoch epwe aweiresi an epwe tongeni toureoch aninis ngeni ekkewe semirit fan iten pekin behavioral health non fansoun ar ra ekkesiwin ne mwokut seni ewe aninis ren semirit (ren ier 18 ika 21) ngeni aninis fan iten mei mwuk. An Oregon we Sopwosopwonon Aninis fan iten chon Tufichin Pachenong non OHP/CCO mei ren ekkewe semirit ew system mei fokkun pochokun mei nuuno seni met sokkun aninis epwe kawor ngeni ekkewe serafo ir mei nounou insurance seni ekkewe kompeni. Ei mei pung ren ewe angangen ekkesiwinin omwokut seni serafo ngeni mei mwuk ren met sokkun pisekin pwarata ren angangen tumwun mei fis tori ei fansoun epwe wor ewe ekkesiwin. Ew fansoun ekkesiwinin omwokutu mei fis non ekkei ier ren ekkewe serafo ir ra "watteno ierir" me non ewe aninisin semirit me ekkewe nenien tumwunun semirit ese wor iner me semer iwe nge rese mwo tongeni ar repwe pusin tumwunuw inisir ren met nonomwun inisir ren ewe pekin behavioral health ika rese mwo tongeni ar repwe pusin kuta anen moni tonong ngenir ren met ar osupwang me tumwunur.

Ei angang epwe nenengeni an epwe katon fengeni met pekin kao ngeni ren marinon tupwuen emon me pwan met epwe tongeni anisi angangen aninisin marinon me aninis ngeni ewe serafo ierin mei nomw nefinen 18 me 26 ier.

Ei epwe tongeni anisi ekkewe semirit me ekkewe kukun serafo ar repwe chok nomw non ewe sopwosopwonon angangen aninis tori an epwe nuseni uputiwer ar ra 18 ier. Epwe tongeni anisi kekisinon sokkun aninisin ekkesiwinin omwokut ese namwot nefinen ewe system me ewe chon awora aninis. Iwe epwe pwan tongeni nengeni metekewe sokkkun aninis ese fis me non ei

sopwosopwonon aninis ewe mei fori an epwe wattenon niwinin me non ewe system me pwan ewe imwen kanopwus. Mwumwutan ngeni ewe pekin aninisin semirit ewe mei kawor monian seni Medicaid epwe kamotiw ewe niwin seni an uputiw tori an 26 epwe tongeni forata taweochoon ngeni ekkewe CCO me ewe Oregon Administrative Rules pwe epwe sopwosopwono aninis epwe kawor ren met kunaer ir mei aninis won tori ei koukun ier ra tori.

Chommong ngeni serafo ika ekkewe kukkun mei mwuk ir mei "tou seni" ewe aninis me murin ar ra tou seni ewe system fan iten semirit me ewe agency fan iten ekkewe kukkun semirit (pekin welfare, OYA me ekkoch). Rese pwan niwin sefan ngeni ewe BH pwun ewe system fan iten ekkewe mei mwuk mei sakono seni me ese kon pwan kuna met sokkun aninis epwe kawor ngenir ren urureochun ar repwe mamarita (i.e. ekkewe kukkun serafo). Chommong ngeni ekkewe semirit me kukkun serafo ir seni ekkewe community ren ekkewe mei sokono onuwen unucher, LGBTQAI +, chon ewe Oregon Tribes me ir mei ese wor imwer, IDD ika mei osupwang.

Sopwonon, an epwe sopwosopwono angangen ewe Tufichin Pachenong non OHP/CCO ren ekkei mwichen aramas epwe tongeni forata me sopweno an epwe fetaneoch aninis ngeni ekkewe kukkun serafo me pwan eoch ngeni nonomwun ewe system ren met epwe anisi ewe niwin me eochueno ewe partnership non ekkewe system an community (pekin opochokuna onnuk, pekin kanopwus, pekin osukun, pekin imw, ekkoch pwan).

*Met wewen ei ngeni ekkewe member non OHP?*

*Ekkewe kukkun serafo ir mei menei aninis ren pekin behavior health repwe tongeni sopweno ne kawor ngenir aninis meren OHP pwe pwe anisir ren ewe angang fengenin tumwun me aninis fansoun repwe mwokutuno ngeni ar ra ierin mei mwuk.*

**Ei mei pachenong sokkun aninis epwe tongeni anisi ne eochueno ewe system ren pekin behavioral health me pwan awatnoi aninis seni aramas ika chon angangen ewe neni me non ewe community.**

Ren ponuen metekewe federal mei mochen pwe epwe fis mei affata non ewe stand up 988, Oregon epwe fori ew an system epwe pochokun ngeni osukosuk, pachenong ew an center ren pekin koko. An epwe fis ei epwe menei sokkun technology ren pekin pworous me forutan me angangen ewe center ren pekin kokonong, iwe epwe pwan menei angang fengen me ekkoch pekin me non ei taropwe, usun ren ewe Angang Fengen ren Aninisin Ekkesiwinin Omwokut.

Ei mei tongeni anisi ngeni kekisinon ekkewe sakofesen me ese nonnopok ren pekin health ren an epwe foruta ew minafon anen touren aninis ngeni ekkewe aramas ese pungupungeoch touren aninis ngenir me non Oregon me pwan forata ew sokkun anen aninis ngeni ekkewe aramas rese mochen repwe kokori 911 pwokiten rese mochen police repwe pwan pachenong non. Ei mei tongeni an epwe fis pwe ekkesiwin ngeni ekkewe community mei kan ngaw touren aninis ngenir me ekkewe community ren ekekwe ir mei sokono onuwen unucher.

Ewe 988 me ewe pochokunen system fan iten osukosuk epwe tongeni fis pwe ina nenien tonong an ekkewe aramas ir mei churi osukosuk ren osukosuken non mokurer me pwan aeangawen ekkewe mettoch mei efeiengaw ngeni manamawen aramas. Epwe ne kon fichi ngeni ekkewe

aramas mei menei muttirin me urureochun aninis ngenir me mina senir ar resapw kori ewe pekin emergency me ewe system ren pekin onnuk.

Met wewen ei ngeni ekkewe member non OHP?

Ika mwo pwe ei system ese wor met osukusukan ngeni ekkewe member non OHP, ika pwe ewe koukun chon repwe tongeni nomw non mei toureoch, mei tongeni pwe epwe napeno aninisin moni fan iten ei angang me pwan mutirino an epwe wor ew system non ei state fan iten osukosuk.

### **Angangen aninis ngeni Chiechiach me Chon Angang ngeni Pekin Health non ekkewe Community**

Mwuut ngeni ekkewe ir mei menei anisin chikar sefan ar repwe kamotiw niwinir ren an epwe wor aninis epwe kawor ngenir me nukun ewe sokkun aninisin chikar sefan mei wor (i.e, me mwan me pwan murin aninisin chikar sefan) ika pwan ew sokkun aninis me nukun ewe aninis pwe epwe tongeni mwut ngeni ekkewe sokkun aninis me nukun met mei kawor meren ewe pekin pioing ekkewe mei anisi nonomwun an aramas osupwang, usun mei awewetiwi me non ewe angangen sokkun osukosuk me pwan awewetiwi me non ewe aninisin pekin imw. Ei angang mei tongeni epwe tonong non ewe Angang Fengen fan iten Aninisin Ekkesiwinin Omwokut.

Ei epwe tongeni forata an epwe nonnopok touren aninis an epwe anapano ar repwe pusin tongeni anganga me non ekkewe community ren an epwe pesei ngeni aramas ar repwe kuta anen aninis seni pekin pioing ika pwe mei menei epwe fis. Ekkewe aramas ir urir semwenin aeangawen ekkewe mettoch mei angawano aramas me osukosuken non mokurer ir rekan kon mefi osupwangen tourengawen aninis ngenir ren pekin pioing, usun chok pwan ren ekkewe ren pekin behavioral health.

*Met wewen ei ngeni ekkewe member non OHP?*

*Ei anapanap epwe awora pwan sopwosopwun anen ach sipwe uweanong aramas non ewe angangen tumwun me anapano aninis non fansoun ar kutta anen ar repwe chikar sefan pwe epwe eochuno met mei fis me murin.*

### **Nafochun ukukun aninis ngeni semirit ren ewe Pekin Aninisin Semirit**

Semirit ir mei nomw fan tumwunuwen Oregon mei nomw nounou ewe aninisin semirit mei wor met ir mei mefi an epwe osukosuka ar repwe tour ngeni sokkun aninisin tumwun ngenir, non pungun fansoun me pungun nakatamen fansoun - akkaewin ren ekkewe mei menei Aninisin Psychiatric Residential Treatment (PRTS). Ei angang epwe tongeni anisi ngeni koukun aninis epwe kawor fan iten ekkewe semirit ir mei nomw fan tumwunuwen ewe pekin Aninisin Semirit ren ei koukun angangen tumwun.

Ei epwe tongeni fori an epwe mecheres ngeni ewe pekin Aninisin Semirit ar repwe tour ngeni ewe pesenin koukun PRTS mei tori ewe ukukun aninis epwe kawor ren pekin safei ren an epwe kamotiw meren Medicaid pwe epwe tongeni "eimwueno ewe bed" ngeni ekkewe koukun chon repwe nonomw fan tumwunuwen state.

Ekkewe semirit ir mei nomw non ewe pekin aninisin semirit napengeni ir semiritin ekkewe community an mei sakono onuwen unucher me pwan seni famini ir mei mefi weiresin aeangawen ekkewe mettoch mei angawano aramas me weiresin wachemuken osupwang.

*Met wewen ei ngeni ekkewe member non OHP?*

*Ei epwe tongeni anisi ekkewe semirit me ekkewe kukun serafo ir mei nomw fan tumwunuwen ei state pwe repwe ne pwoputa ne tour ngeni sokkun aninisin ren pungun aninisin, non pungun fansoun, me pungun nakatamen fansoun, akkaewin ekkewe ir mei menei aninisin PRTS.*

## **Tichikin angangan fan iten ekkewe Tribal**

OHA mei fokkun fori pwe epwe angang fengen me ekkewe Tiuw Tribes non Oregon Mei Affat seni Federal, me pwan ewe Prokramen Health ren Urban Indian (UIHP) an epwe kutta ekkewe sokkun omwokut epwe tongeni anisi tourechun aninisin pekin heath ngeni ewe mwiichen Tribal me met ururun angang epwe fis epwe pwonueta fiti an epwe osufonu usun nonomwun me eorenien ewe mwichen tribal anongonong won met ir mei kan fori me pwan fori pungun nefiner me ewe mwuun me pwan ei state. Non ekkew mwiich, ekkewe tribe ir mei afatatiw ukukun met ir mei aucheani an epwe pachenong non ei waiver, pachenong:

- Pachenong awewen foos me pwan met sopwosopwun coverage fan iten metekewe ir mei fori non ar kewe kinikinin tribal
- Ekisano weiresin angangen pekin non ofes ren angangen niwinimang me moni epwe kamou sefan
- Sopweno ekkewe prokram ra fen wor nge mei murinno angangan

Ka tongeni angei noum copyin ei taropwe non pwan fosun ekkoch fonu, non an epwe mesemong foun mak, non nikinikin noun mei chuun ika pwan non sokkun nikinikin ke tipeni. Mak ngeni ewe Prokram ren Pekin Community Partner Outreach won [community.outreach@dhsosha.state.or.us](mailto:community.outreach@dhsosha.state.or.us) ika kokori ewe nampa 1-833-647-3678. Kich mei etiwa an emon epwe afou koko ika ka tongeni kokori 711.